



菅家文草

四



~ 16
3326
4



門 16
號 3326
卷 4

菅家文草卷第四

○題驛樓壁

歸州之次到播州明在驛自此以下八十首自京更向州作仁

和四年

離家四日自傷春，梅柳何日觸處新。爲問去來行客報，讚州刺史本詩人。

書懷寄文才子

水闊雲深春日長，含情不覺有風光。閑來奉詠詩評未聞得，同門博士亡送我。飯時心半死，思君卧處淚雙行。如何四十無名客，師在邊州母



黑川真積藏書

黑川真積

黑川真道藏書

在堂

聞文進士及第題客舍壁

文對時實

得聞春榜故人名非喜高飛喜久生
匏繫不辭煙絕卧履穿無厭雪寒行三千門下獨留守
百字中纔晚成年少若嘲君老及慙慙為解俟
河清有詩賦河水清百字迴文故云

○哭翰林學士

愁思病甚馬相如別後三迴附起居補替驚看
新任詔聞喪泣讀故人書被拘卑守橫蒼海不

及高呼走素車旅客從來無夜夢未知苦樂二
生初

○春日獨遊三首

扶

放衙一日惜殘春水畔花前獨立身唯有
東北望同僚指目白癡人
花凋鳥散冷春情詩興催來試出行
昏夜不歸高嘯立州民謂我一狂生
日長不得久眠居出引諸兒且讀書
適遇多情無釣叟各言其志不言魚

別遠上人 扶十

何處浮盃欲絕蹤，愁看泣血舊溪龍。
傳將法界二明火，謝却僧房一老松。
苦海須臾今日別，靈山畢竟後生逢。
慈悲若不忘鄉里，便付春風送曉鐘。

○四年三月二十六日作

到任之三年也扶二

我情多少與誰談，况換風雲感不堪。
計四年春殘日四逢三月，盡客居三生衣。
欲待家人著宿釀，當招邑老酣好去。
鷺花今已後冷心，一向勸

農蠶

首夏聞鷺 扶十

行藏萬物不蹉跎，四月鷺聲聽甚訛。
梁鷺雛成爭有舌，窓梅子結覺無窠。
似移愛妾人前笑，同失時臣意外歌。
鳥若逢春應滑語，臣愚妾老欲如何。

○新蟬 扶十

新發一聲最上枝，莫言泥伏遂無時。
今年異例腸先斷，不是蟬悲客意悲。

對鏡

四十四年，人生涯未老身，我心無所忌，對鏡欲相親。半面分明見，雙眉斗頓頻。此愁何以故，照得白毛新。自疑鏡浮翳，再三拭去塵。塵消光更信，知不失其真。未滅胸中火，空銜口上銀。意猶如少日，只已非昔春。正五位雖貴，二千石雖珍。悔來手開匣，無故損精神。

寄雨聞縣令江維緒一絕

不雨應緣政不良，唯憑大般若經王。州官縣吏

更相混，乙丑同年鬢早霜。

來却遊覽偶吟

六扶

鳥出樊籠翅不傷，青山碧海任低昂。京中水地王公宅，幾內花林宰相莊。口戲貪憐誣犯限，眼偷臨望叱窺堂。此間勝境雖無主，漸漸聞來欲有妨。

法華寺白牡丹

色即爲貞白，名猶喚牡丹。嫌隨凡草種，好向法華看。在地輕雲縮，非時小雪寒。繞藂作何念，清

淨寫心肝

○題南山亡名處士壁扶

秘密鄉村與姓名年顏朽邁意分明無妻潤戶
松偕老不稅山畦黍旅生泡影身浮修道念煙
嵐耳冷讀經聲比量心地安閑理一室應勝我
百城

○客舍書籍

來時事事任輕疎不妨隨身十帙餘百一方資
治病術五千文貴立言虛謳吟白氏新篇籍講

授班家舊史書罷秩當湏收得去自慙猶過橐
衣儲

○高子扶

男愚女醜稟天姿依禮冠笄共失時寒樹花開
紅艷少暗溪鳥乳羽毛遲家無擔石應由我業
有文章欲附誰此事雖同窮老歎適言其子容
情悲

讀家書有所歎

一封書到自京都借紙公私讀向隅兒病先悲

爲遠吏論危更喜不通儒豈憂伏臘貧家產唯
畏風波峽世途客舍閑談王道事應羞山近似

樵夫

仁祖

丙午之歲四月七日予初莅境巡視州府
之北有一蓮池池之近東有一長老長老
曰是蓮也元慶以往有葉無花仁和以來花
葉俱發適至夏末已遇花時長老之言誠而
有驗余時予向僚屬作是唱言採摘池中百
千萬莖分拾給部內二十八寺聞者隨喜見者

發心加之香油東西供養乃謂自我爲故將
貽後人至于去年亦復如是意之所約不爲
不諧今茲自春不雨入夏無雲池底塵生蓮
根氣死天與人失心與事違非佛力不至蓋
人心之不信聊叙文章便以嗟嘆云尔

門外小池池內蓮問來誰種又誰穿稚層葉展
纔蒙露清溜溪通不導消提卓筇一時風景改下
車三度月光圓及看灼灼新花發終信皤皤故
老傳心誤絳幡依岸障眼疑紅燭出泥燃西方

色相聞爲室南郡榮華見可憐尋繹凡夫機利
鈍混成樂處善因緣同僚偃草稱權首闔境奔
波供佛前都計道場唯四七擬施世界滿三千
人皆採摘分頭去我獨思惟合掌眠未肯離心
於魏闕如今享福不唐捐先祈海內長無事次
願城中大有年從自初來言已立欲令後到禮
相公豈圖此歲無膏雨何罪當州且旱天風卷
春山雲宿澗火燒夏白地生煙毒龍貪惜神通
水邪鬼呵留智慧泉祝史疲馳頒幣社禪僧倦

著讀經筵悲哀鄧白源流涸夢想龔黃德化宣
近見塵飛芳萼死遍知土熱稼苗煎善根道斷
呼甘樹真實謀窮稔福由莫笑芳修偏少力應
懸政理每多愆魂迷案轡顛羸馬手拙揚薪爛
少鮮儒館罷歸雖叱咄吏途蹶步更逃遭刺肌
刻骨身爲鏤此偈率非薄命篇

憶諸詩友兼奉寄前濃州田別駕

天下詩人少在京况皆疲倦論阿衡

傳聞朝廷
今在京諸

儒定阿衡
典一難之論

巨明府劇官將滿安別駕煩代未行

南郡旱灾，無所與。東夷獷俗，有何情。君先罷秩，閑多暇。日月煙霞任使令。

謝文進士新及第拜辭老母尋訪舊師

恠來言笑夢中聞，客舍蕭蕭夜半分。春月不辭高折桂，秋風有力遠披雲。西京老母知猜我，南海閑人喜遇君。爭得一枚司馬印，便留多少附公文。

聞早鴈寄文進士

無勝早鴈叫，傷情沙漠涼。風送遠行，不見家人。

書便附，唯煩旅客。夢難成，下絃秋月空。驚影寒檣曉，舟欲亂，聲憶汝。先來南海上，夜尋落窠舊能鳴。

江上晚秋

不敢閑居任意愁，勸身江畔立清秋。山銜落日分陰駐，水趁涸年一種流。鷗鳥從將天性狎，鱸魚妄被土風羞。銷憂自有平沙步，王粲何煩獨上樓。

仲宣賦云暇日聊以銷憂

九日偶吟

客中三見菊花開，只有重陽每度來。今日低頭思昔日，紫宸殿下賜恩盃。

別文進士

見來纔一月，相送幾重波。未省中懷散，空添別淚多。葉紅時易感，雲白路難過。不得隨君去，傷情欲奈何。

寄白菊四十韻

遠隔蒼波路，遙思白菊園。東京蝸舍宅，西向荏羅門。小墘斜當戶，踈欄正逼軒。無池蓮本欠，有

畝竹逾繁，擬擅孤蓑美。先芸庶草蕃，苗從台嶺得。種在侍郎存。予為東台部侍郎之日，天台明公寄是花種。下手分移遍，中心愛護敦。早春新臈葉，初夏細牙根。待灌占依井，美湯免戴盆。葉期揚酷烈，莖約引嬋媛。乘籟吹灰到，流年轉轂奔。乍看珠顆坼，爭賞素窠翻。蟬翅迷施粉，蜂鑽鬧著痕。地疑星強，宋庭似雪封。袁紫襲衣藏，菡香浮酒滿。樽仙家嫌葱圃，隱士厭桃源。笑殺陶元亮，食資楚屈原。和光宜月露，同類是蘭蓀。名惜裴虛室。

名後要盛昆慙芋曾獻主悔劍只貽孫住老休
炊桂忘憂倍帶萱芬芳應佩服真絮欲攀援四
序環無賜千焮矢不讓生涯雖量測祿命未平
反面自歡娛少風塵悶亂煩葉拋羊柱筆宮建
隼旗幡失道人皆議安身我獨論雙龜收北闕
五馬屬南轅文選云別子雙龜李氏謂罷二宮也余及為刺史解却兩印故云也
鬱鬱江雲身濛濛澗雨溫行程過綠浦逆旅卧
青蘋水國親賓絕渙津商賈喧一來疲涕泗三
度變寒暄想像霜華發悲傷晚節昏含情排客

館抱影立荒村悵望將穿眼追尋且送鬼意驚
由過鴈腸斷豈聞猿有處堆冰挿何人折柳樊
自開還自落誰見也誰言暮景愁難散涼風恨
易吞寄詩花感否珍重可知思

秋雨

秋霖晴日少旅館感懷多屋見苔侵壁池聞水
溢料苦情唯客夢閑境併詩魔帶雨年華落其
如我老何

路邊殘菊

菊過重陽似失時，相憐好是馬行遲。
金精雖滅薰香在，欲把還羞路拾遺。

○驚冬

送冬如昨只今歸，應道炎涼傳翼飛。
牀上卷收青篾簟，篋中開出白綿衣。
不愁官考三年黜，唯歎生涯萬事非。
節是安寧心最苦，天時爲我幾相違。

○晨起望山

不寐通宵直到明，蘆簾手撥對山晴。
避人猿鳥

松蘿裏，唯有飛泉雨後聲。

○冬夜閑思

白茅簷下火爐前，侍坐兒童倚壁眠。
案曆唯殘冬一月，居官且遣秩三年。
性無嗜酒愁難散，心在吟詩政不專。
千萬思量身上事，窓間報得欲明天。

○冬夜對月憶故人

月轉孤輪滿百城，無端惱殺客中情。
山疑小雪微微積，水誤新冰漸漸生。
永夜猶宜閑望坐，寒

嵐不得出遊行每思玄度腸先斷空放吟詩一

兩聲

余秩作
○客居對雪一扶

温液寒凝暗有期驚看銀粉滿茅茨立於庭上
頭為鶴居在爐邊手不龜花散忽因風力處玉
銷初見日光時城中一夜應盈尺祝著明年免
旱飢今年有旱故云

○訓藤十六司馬對雪見寄之作次韻

人皆踏玉似蓬瀛雪色應羞我性清口詠君詩

心且祝明年秋稼與雲平

○立春在十二月二十六日

偏目曆注覺春來物色人心尚冷灰誣告浪從
冰下動暗思花在雪中開浮雲自後寒夜暖壯
日如今去不迴消息窮通皆有運莫言堙戶不
驚雷

懺悔會作三百八言

一切眾生煩惱身求哀懺悔仰能仁兼和聖主
勅初下貞觀明王格永陳內自九重外諸國起

於萬乘及黎民年終三日繫心馬天下一時轉
法輪發願以來五十載星霜如故事如新我今
爲吏居南海朝夕翹誠望北辰趨拜宮門或優士
奉行制旨即忠臣會之前後禁屠割會之中間
絕葷芋禪悅寒擎霜梳味過伽曉指并華神城
中遍滿菩提念境內掃除雜染塵香出善心無
用火花開合掌不開春歸依一萬三千佛經中佛名
哀愍二十八萬人部內戶口遷地生生常下賤未來
世世亦單貧非由宿業皆如此衆復當時更結

因無量無邊何處起自身自口此中臻逋逃誨
稅冥司錄欺詐公私獄卒瞋澳叟暗傷昔兄弟
獵師好殺舊君親在風盤訢犁耕各習俗狂言
湯爛唇遠教萬方罪先現乖和一夕苦相遵肉
飛羅刹鬼前又骨赴泥梨鼎下薪疑惑愚癡無
曉悟雖無曉悟欲精勤可慙可愧誰能勸菩薩
弟子菅道真

○元日戲諸小郎仁和五年

珍重行年五九春可憐兒輩二三人不須多勸

屠蘇酒其奈家君白髮新
寄紙墨以謝藤才子見過

沙浪不由遇舊知今朝日擊淚先垂
松煙若映桃花上詠折春風挂一枝

○春詞二首

和風料理遍周遊山樹紅開水綠流
自古人言春可樂何因我意凜於秋
雨後江邊草深來送思去歲始花梅
歸鴻若當家門過爲報春眉結不開

正月十六日憶官妓踏歌扶

皇居在北濶天濶遺意官人整玉簪
此夜應同新月在他鄉不似舊年心
舞非春夢難行見歌是昔聞便卧吟
每屬佳辰公宴日空空濕損客衣襟

聞群臣侍內宴賦花鳥共逢春聊製一篇
寄上前濃州田別駕六

花不吝靈鳥不言知春爲政調寒溫
幽溪轉感求賢詔古木方驚養老恩
望鶴晴飛千萬里思

梅艷發九重門裏香低翔風蒞地爭得時來入
禁園

訓藤司馬詠廳前花之作押韻

紅櫻笑殺古井棠本韻周櫻為韻安使君公遺

愛芳此花元慶始安不用春庭無限名欲看秋

畝有餘糧

○亞水華扶十

花發巖邊半入流紅勻綠深染兩悠悠日燒迅瀨

薰龍腦風獵低枝破鴨頭恰似湘妃臨岸泣欺

誣蜀錦帶波浮無人共見陶春意觸物空添旅

客愁

○官舍前播菊苗

少年愛菊老逾加公館堂前數畝斜去歲占黃

移野種此春問白乞僧家乾枯便蔭庭中樹令

酒爭堆雨後沙珍重秋風無欠損如何鄴水岸

頭花

齋日之作扶十

相逢六短斷葷腥獄訟雖多廢不聽山栢香焚

新燧火野葵花插小陶瓶念歸觀世音菩薩聲
誦摩訶般若經懺悔無量何事最為儒為吏每
零丁

訓備州刺史便過旅館告別

青衫刺史意殷勤停棹潮頭問故人今日不須
添別酒為嫌醉後定露巾

予曾經以聞群臣賦花鳥共逢春之詩寄
上前濃州田別駕別駕全之不遺遠辱還答
詩篇之外別附書問予先讀消息詩云書

云不覺流淚更用園字重感花鳥

自聞花鳥遠形言憶昔吹噓意氣温心拆細書
千里面舌饒長句萬令恩我悲泪落浮煙水君
歎低飛宿草門努力明春未友到一枝巢在舊
丘園別駕先年罷官未得放還
余此冬秩滿切過難知故云

苦日長十六韻

少日為秀才光陰常不給朋交絕言笑妻子廢
親習壯年為侍郎曉出逮昏入隨日東西走羨
顏左右揖結綬與垂帷孜孜又汲汲榮華心尅

念名利手偏執當時殊所苦霜露變何急忽忝
專城任空為中路泣吾黨別三千吾齡近五十
政嚴人不到衙掩吏無集茅屋獨眠居蕪庭閑
嘯立眠疲也嘯倦歎息而鳴悒為客四年來在
官一秩及此時最仗患烏兔駐如繫日長或日
短身騰或身繫繫自然一生事用意不相襲

端午日賦艾人

寬平元年扶三

艾人形相自蒼生初出雲溝束帶成運命歡逢
端午日追尋恐聽早鷄鳴有時當戶危身立無

意故園信脚行只合萬家知採用縱焚筋骨不
焚名

讀改元詔書絕句

明主欲變舊風煙詔出龍樓到海壖為向樵夫
渙艾祝寬平兩字幾千年

喜雨

田父何因賀使君陰霖六月未前聞滿衙僚吏
雖多俸不苦東風一片雲

納涼小宴

避暑閑亭上，消憂客帳中。骨寒南岸水，心刷北
窓風。遠望苗抽綠，遙思粟衍紅。此時何悶事，官
滿未成功。

一葉落

歲漸三分盡，秋先一葉知。應驚涼氣動，不待曉
風吹。水見舟無楫，林迷鳥失雌。取諸身上事，初
有鬢毛衰。

八月十五日夜思舊有感

管家故事世人知，翫月今爲忘。月期若葉香湯

免飲酒，蓮華妙法換吟詩。如何露溢思親處，况
復潮寒望闕時。從始南來長鬱悒，就中此夜不
勝悲。

水邊試飲

消憂見說有黃醅，遊出江頭試勸盃。先飲三分
驚手熱，更添一酌覺眉開。戲言凜凜秋難醉，專
約厭厭夜不迴。傾聽傍人相慢語，瑠璃水畔玉
山頽。

路次見芭蕉

適雨芭蕉不耐秋行行念念意悠悠三千世界
空如是所以停鞭泣馬頭

○白毛歎

心情不減氣猶寬誰許班毛放若干鵝毳鏡中
分影白霜毫鑷下寸芒寒早衰蒲柳雖同顧初
見春秋已過潘口未生鬚多食蔗頭將少髮苦
彈冠恠來日日形容瘦祗是行行世路難筋力
莫言年幾老四句有五豈凋殘

小男阿視留在東京寫送田木夫禁中瞿

木知麥花三十韻詩云此詩也應詔作之時人
思重之故奉之予吟之翫之不知其足仍製

一篇續于詩草云余

家兒不問老江濱只報相如遇好文三百真珠
無趾至九重嘉草有名聞詩尋此地凌蒼海花
託何人種白雲菅蒯若應添雨露吐華將奉
聖明君

同諸小郎客中九日對菊書懷

菊爲無情籬下開人因不樂海邊來諸郎莫恠

今朝事口未吹花淚滿盃

○早霜

為露為霜歲事成，早朝躋地見分明。
林巒織著黃絲纈，汝渚瑩添白水精。
君子夜深言不警，老翁年晚鬢相驚。
寒心旅客雖樵散，舍得後凋欲守貞。

對殘菊詠所懷寄物忠兩才子

思家一事乱無端，半畝華園寸步難。
偏愛夢中禾失盡，不知籬下菊開殘。
風情用筆臨時泣，霜

氣和刀每夜寒，莫使金精多。詠取明年分附後人看。

○吟善洲博士物章鑿師兩才子新詩戲寄

長句

颯颯松窓獨卧時，相迎僚友見文詞。
大春堂下寒吟逸，弘景園中曉唳悲。
何啻離經稱博士，自慙合藥喚鑿師。
閑思共有雕蟲業，應化使君昔詠詩。

冬夜有感簡藤司馬

霜籬數步菊花殘，更有何人比目看。
送却孤帆，煙水遠，知君獨卧夜衣寒。

冬夜九詠

○不睡

不睡騰騰送五更，苦思吾宅在東京。
竹林花苑今忘却，聞道外孫七月生。

獨吟

牀寒枕冷到明遲，更起燈前獨詠詩。
詩興變來爲感興，關身萬事自然悲。

山寺鐘

草堂深鎖翠煙松，拔苦音聲五夜鐘。
遙送樵風驚客夢，應知感鮫澗中龍。

誦經

室無兒婦裹頭僧，半印燒香一點燈。
誦禪經三四遍，是身斗藪潔於冰。

○老松風

聞曉風吹老太夫，冷冷恰似碎珊瑚。
牀頭不得閑交睫，入髓寒聲可厭無。

○曉月

客舍陰蒙四面，山窓中待月甚幽閑。遠鷄一報
迴頭望，插著寒雲半缺環。

○野村火

非燈非燭，又非螢。驚見荒村，一小星問得家翁。
沉病因夜深，松節照柴局。

○水聲

夜久人閑，也不風。潺湲觸聽，感無窮。石稜流緊，
如成曲，疑是湘妃怨木中。

○殘燈

耿耿寒灯，夜讀書。煙嵐度牖，欲何如。微心半死，
頰挑進，折盡枯蒿一尺餘。

訓藤六司馬幽閑之作次韻

客舍因君暫上隣，閨中夜夜見無人。流年好去
從官老，官滿歸時自遇春。

○庚申夜述所懷

故人詩友苦相思，霜月臨窓獨詠時。已酉年終
冬日少，庚申夜半曉光遲。燈前反覆家消息，酒

後平商世嶮夷爲客以來不安寢眼開豈只守
三尸

僧房屏風圖四首

野莊

適逢知意翫春光綠柳紅櫻繞小廊不見家中
他事業計將道士晚駢羊

曉行

蹇驢費策白雲中不倦迴頭嘯曉風想得前途
潮落處計程到著日殘紅

閑居

茅屋三間竹數竿便宜依水此生安踈畦種黍
纔收得殊恨餘年不弄食

尋師不遇

尋訪文殊何處行老松春色早鷺聲自慙香火
因緣盡橋上徘徊斗藪情

春日感故右丞相舊宅

自此以下十三首
罷秩歸京之作

平二年
扶十

綠柳依依白日斜人蹤銷滅滿庭沙只今暮宿

簷間鳥仍舊春開砌下花不得平生棋閣謁無
勝感悼望門嗟駕肩來客知何在未葬爭馳到
勢家

三月三日侍於雅院賜侍臣曲水之飲應

製扶三

擲度風光卧海濱可憐今日遇佳辰近臨桂殿
迴流水遙想蘭亭晚景春仙盞追來花錦亂御
簾卷却月鈎新四時不廢預王澤長斷詩臣作
外臣

○依病閑居聊述所懷奉寄大學士

含情海上久蹉跎猶恨虛勞動宿疴脚灸無堪
州府去頭瘡不放故人過厮兒悶見魚生釜門
客笑歸雀觸羅身未衰微心且健鑿治有驗復
如何

○感秋

每夜炎氣減今朝冷臙生梧桐風後色蟋蟀雨
中豈有寺安禪坐無山小隱行性雖甚鹿懶鞭
策動詩情

書懷奉呈諸詩友

予列秩已滿被符在京分付之間不接朝士故

之作

折轅遵渚去春迴閑卧涼風半死灰公事聞人
談說得野情趁我寂寥來不觀釋奠都堂禮何
賜重陽內宴盃為向當時詩友謝今年翰苑出
庸材

九日侍宴同賦仙潭菊各分一字應製探得

秋菊初開秋水止黃金倒映瑠璃裏夜來月照

社字

光明見曉後風涼香氣起桂父遊隨尚藥尋麻
姑採助官人喜賜喜一束壽千歲還愧無功天
降祉

奉謝源納言移種家竹能有

吟嘯此君口弄食豈堪移去入朱欄空心為是
天姿勁瘦幹寧非地勢寒雖有舊編成蠹簡日
妨新截當魚竿梁主欲識孤負前請喚相如雪
裏看

近以拙詩一首奉謝源納言移種家竹前

○越州巨刺史忝見訓和不勝吟賞更次本韻

憔悴寒蕞種捨諸貴門分取陰階除偏思絲鳥
隨青藜豈料文星降碧虛君厭會替閑翫久我
憐梁苑迸生餘琅玕好去空籬下留得清詞玉
不如

感白菊花奉呈尚書平右丞

不見花來一二年霜風計出白銀錢牛羊踐盡
纔遺種蜂蠆刺殘未落鮮感昔三千門下客為

博士每季秋大學
諸生賞翫此花
韻詩寄此花以
引客中之幽憤吟新四百字中篇到州三年
成五言卅
費鞭

○霜菊詩同日序并未旦
求衣賦在別卷

肅氣凝菊墮烈蕊帶寒霜結取三危色韜將五
美香逼簾金碎鍊依砌麝穿囊時報豐山警風
傳麗水芳似星籠薄霧同粉映殘粧戴白知貞
節深秋不畏涼

○予罷秩歸京已為閑客玄談之外無物形

言故釋道遙一篇之三章且題格律五言之八韻且叙義理附之題脚其措詞用韻皆據成文若有請之者見篇疏決之

北溟章述曰鯢為鵬鳥自北徂南蜩與鷲鳩咲其宏大自然自得之場雖異道遙之道惟同唯此章舉鴻畧而舉蜩詳明鯢而鵬密故偏發鵬蜩二蟲之性遂終小大一致之篇

舉小將均大惟鵬自對蜩海鱗波淼淼泥蛭景蕭蕭變化談同日形容類各霄無時頰夾起有處積扶搖控地榆枌鬱垂天羽翼調均勞空半

歲逸樂不終朝野馬吹相息班鳩咲共嬌二蟲雖異趣適性共逍遙

小知章述曰宋榮忘有禦寇得仙大智也五等殊方諸侯就事小智也真靈在楚彭祖仕周大年也蟪蛄夏生朝菌暮死小年也然而物安天性理任自然羨然累絕逍遙道成唯有榮公笑宰官之祿列子御冷然之風未得遺無猶憂有待未若無功之神無名之聖能馭六氣遠遊無窮逍遙之智足矣無待之心適焉故遍舉小大之性說以神聖之遊此章更載大椿花葉之長年斥鴳鯢鵬之遊放義為重疊略而不取也

知分明又闇年定短能脩內外先雙遣逍遙便

一遊堯臣猶歷夏曹后不知秋勁節冥靈老淨
生日及休共慙相企尚多恐暫拘留有待何稱
善無爲我道周榮公于祿笑列子御風憂好是
無名客茫茫六氣幽

堯讓章

述曰堯帝舉炬火浸灌之喻將讓

天下於許由許由說鷦鷯偃扁之心
更歸堯帝於天下聖人賢者性命雖殊黃
屋青山道遙尚一故叙堯許之有情明優
遊之無別也

推賢堯授手寄身許慙顏四海君功大孤雲我
性閑潁川清石水箕嶺老松山送日蔬食足臨

煙華戶開既知尸祝用誰爲實賓煩鳳曆何無
主龍飛欲早還鷦鷯從取樂浸灌莫辛艱向背
優遊去形體一世間

管家文章第四

無序

仁和二年正月十六日任讚岐守
寬平二年不交替入京

卷之三
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

